



Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 187. Novesienses Protestantes in Silesia adversus Wratislaviensium
Episcopum tumultuantes.

[urn:nbn:de:hbz:466:1-67313](#)

farem minime latebant, unde ut Fer- Sæc. XVII.
dinandum adversus hostes suos magis A. C. 1617.
firmaret, de eodem in Hungariæ Re-
gem eligendo agere constituit, prout
anno sequenti memorabimus.

§. CLXXXVII.

*Novesienses Protestantes in Silesia
adversus Wratislavienfum
Episcopum tumultuantes.*

Sub idem tempus concitata est in Sile- Merc. Gal-
sia a Protestantibus quædam conten- lob. tom. II.
tio adversus Carolum Austriæ Ducem lib. 3. relat.
& Wratislaviensem Brixensemque Epi- Hist. Mer-
scopum ; Hic enim cum Novesienses ci- cer. p. 67.
ties eundem gravibus verborum contu-
meliis atque injuriis identidem lacesse-
re non dubitarent, ex iis duos in cap-
tivitatem abduci, atque alium capite
plecti jussit. Exinde Silesitæ Principes
mox sectam suam turbari vociferantes
horum rebellium patrocinium suscep-
re. Cum ergo Episcopus reprimendis
Novesiensium insultibus impar esset,
datis ad Sigismundum Poloniæ Regem
literis atroces, quibus a seditiosis suis
subditis affectus esset, injurias exposuit,
declarans, quod hi eo processerint con-
tumaciæ, ut omni denegata sibi obe-
dientia, tam indigna adversus ipsum
attentarint, quæ ne infimæ quidem
fortis

Sæc. XVII. sortis homini , nedum Archiduci , Re-
 A.C. 1617. giique sanguinis Episcopo toleranda es-
 sent : igitur pro coercendis hisce rebel-
 libus , & contumacibus suis subditis
 auxilium a Rege petiisset . Annuit Si-
 gismundus Episcopi precibus , hunc-
 que in finem eidem pecunia & milite
 subvenire omnino statuit : quoniam ve-
 ro ejus copiæ Silesiarum Procerum fi-
 nes pertransire coacti essent , hinc datis
 ad eos literis transitus libertatem ab il-
 lis petiit , qua denegata , se aliis mediis
 usurum significavit . Verum ad has
 Regis literas responderunt Principes ,
 „quod Noveisienses hactenus quidem in
 „Religionis exercitio haud parum tur-
 „bati fuissent , nunquam tamen ad ho-
 „stilem ejusmodi motum Episcopo an-
 „sam dedissent , proin non satis mirari
 „possent Principes , quod Rex unius E-
 „piscopi literis permotus , militem ad-
 „versus Silesiam parare voluerit , qua-
 „propter potius sibi persuasum haberent ,
 „hæc non ex Regis arbitrio , sed a Pro-
 „vinciæ hostibus profecta fuisse : quod
 „si tamen quid tentatum iri contingat ,
 „vicini ad Provincias subsidium accur-
 „rentes , dubium omnino belli exitum
 „facturi sint : quod autem Rex militem
 „in Silesiam introducere petat , id con-
 „cedere non ipsorum , sed Cæsaris fo-
 „ret : interim vero firmum , fixumque
 „habe-

„haberent, nullatenus permettere, ut Sæc. XVII.
 „Provincia ab extero mitite vastetur, Sæc. 1617.
 „atque diripiatur“. Attamen haud mi-
 randum, quod hi Protestantes Silesitæ
 seditionis in sua erga legitimum suum
 Principem rebellione firmare non dubi-
 tarint, cum paulo post ipsum Ferdinandum
 Regem suum Regno abdicandum,
 aliumque esse eligendum, decernere, Anno 1619.
 non erubuissent. 21. Aug.

§. CLXXXVIII.

*Bearniæ Principatus Gallicæ impe-
rio unitus.*

Qua parte Pyrenæi montes ab Hispa- Gramond.
 nia Franciam dividentes in Aqui- Hist. l. 3.
 taniæ latus Australe sese demittunt, si-
 tus est Bearniæ Principatus, qui a Jo-
 anna Labretana Henrico IV. Filio suo re-
 lictus fuerat: eo regnante Bearnenses
 populi suopte quodammodo genio, le-
 gibus, ac Religione utebantur: Ludo-
 vicus autem hujus nominis decimus
 tertius Henrici filius ac hæres hunc
 Principatum Gallicæ coronæ & legibus
 unire constituit: Verum Calvinistæ,
 quorum Secta ibidem unice vigebat,
 huic unioni acriter reclamabant, hanc
 Regiminis vicissitudinem suæ Religioni
 & privilegiis exitialem fore suspiciati:
 Rex tamen sui propositi tenax Bearnen-
 sibus